



REPUBLIKA E SHQIPËRISË
PROKURORIA E PËRGJITHSHME
PROKURORI I PËRGJITHSHËM

RAPORT
I PROKURORIT TË PËRGJITHSHËM
MBI GJENDJEN E KRIMINALITETIT
PËR VITIN 2018

Prill 2019

IV. GARANTIMI INTEGRITETIT TË PERSONAVE QË ZGJIDHEN, EMËROHEN OSE USHTROJNË FUNKSIONE PUBLIKE


“Sektori i Verifikimit të Integritetit të personave që zgjidhen, emërohen ose ushtrojnë funksione publike”, në Prokurorinë e Përgjithshme ka filluar funksionimin pas hyrjes në fuqi të ligjit 138/2015 “Për garantimin e integritetit të personave që zgjidhen, emërohen ose ushtrojnë funksione publike” dhe Vendimit të Kuvendit të Republikës së Shqipërisë nr. 17/2016. Ky sektor vijon të jetë pjesë e Drejtorisë së Marrëdhënieve Juridiksionale me Jashtë dhe në përbërje ka prokurorë dhe oficerë të policisë gjyqësore.

Në vijim të punës së këtij sektori për vitin 2018, janë administruar, **185 raste për verifikim të thelluar**.

Departamenti i Administratës Publike ka kërkuar verifikim të thelluar për **137 subjekte**.

Komisioni Qendror i Zgjedhjeve ka kërkuar verifikim të thelluar për **5 subjekte**.

Kuvendi i Shqipërisë për vitin 2018, ka kërkuar verifikim për **43 subjekte vetëdeklaruese**.
(Shiko grafikun me poshtë).




5.1. Për vitin 2018, në total për **147 subjekte vetëdeklaruese** është përfunduar verifikimi dhe janë përcjellë rezultatet e verifikimit. Kërkesat e tjera prej 30 rastesh vijojnë të jenë në proces verifikimi brenda afatit ligjor të kryerjes së verifikimit, të përcaktuar në Ligjin Nr. 138/2015 dhe vendimin Nr. 17/2016 të Kuvendit të Shqipërisë.

Ndërkohë, Sektori i Verifikimit të Integritetit, **8 praktika ka vendosur t'u ndërprerë procesin e verifikimit pasi ka rezultuar që nuk kanë qenë më subjekte vetëdeklarimi sipas ligjit Nr. 138/2015.**

5.2 Për **39** subjekte, Sektori i Verifikimit të Integritetit në Prokurorinë e Përgjithshme ka vendosur se përfshihen në fushën e veprimit të nenit 2 të ligjit 138/2015 si dhe Vendimit të Kuvendit Nr. 17/2016.

- Për 8 subjekte ose 20.5 % të rasteve, përfshihen në fushën e veprimit të nenit 2, pika 1, germa a) të ligjit 138/2015, “Për garantimin e integritetit të personave që zgjidhen, emërohen ose ushtrojnë funksione publike”.
- Për 1 subjekt ose 2.5 % të rasteve, përfshihet në fushën e veprimit të nenit 2, pika 1, germa b) të ligjit 138/2015.
- Për 8 subjekte ose 18 % të rasteve, përfshihen në fushën e veprimit të nenit 2, pika 1, germa c) të ligjit 138/2015.
- Për 14 subjekte ose 36 % e rasteve, përfshihen në fushën e veprimit të nenit 2, pika 1, germa ç) të ligjit 138/2015.
- Për 8 subjekte ose 20.5 % të rasteve, përfshihen në fushën e veprimit të të Vendimit Nr. 17/2016 të Kuvendit të Shqipërisë për arsye të mosdeklarimit të të dhënave në lidhje me dënimet penale.

Grafiku më poshtë paraqet në përqindje, vendimmarrjen për subjektet që përfshihen në fushën e veprimit të ligjit Nr. 138/2015 për vitin 2018.




Për 108 subjekte, pasi ka kryer një verifikim të plotë e të thelluar Sektori i Verifikimit të Integritetit, ka vendosur se nuk përfshihen në fushën e ndalimeve sipas ligjit 138/2015.

5.3. Subjektet e përcjellë për verifikim, për të cilët është marrë vendim, janë të kategorizuar sipas nivelit hierarkik si më poshtë:

- Nëpunës të nivelit ekzekutiv, 27 subjekte ose 18.4 % e rasteve;
- Nëpunës, të nivelit të mesëm drejtues, 45 subjekte ose 30.6 % e rasteve;
- Nëpunës të nivelit drejtues, 30 subjekte ose 20.4 % e rasteve;
- Zyrtarë të Lartë, 45 subjekte ose 30.6 % e rasteve;

Gjatë vitit 2018 ka përfunduar verifikimi për 45 zyrtarë të lartë. Nga të cilët, për 44 prej tyre, është vendosur se nuk përfshihen brenda sferës së ndalimeve, ndërsa për 1 prej tyre pas verifikimit të të dhënave kanë rezultuar se përfshihet në fushën e veprimit sipas ligjit 138/2015.

Grafiku më poshtë paraqet në përqindje, subjektet të kategorizuara sipas nivelit hierarkik.



5.3 Të dhënat lidhur me referimet pranë Prokurorive

Nga 147 vendime “Për miratimin e rezultateve të verifikimit” të cilat ju janë njoftuar institucioneve përkatëse, 31 materiale referuese, i janë dërguar për kompetence Prokurorive të Juridiksioneve përkatëse pasi kanë rezultuar, se këta shtetas kanë deklaruar të dhëna të pavërteta/rreme në formular duke konsumuar veprën penale të “Falsifikimit të vulave, të stampave ose formularëve” parashikuar nga neni 190 i Kodit Penal.